



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 32. Epistola Monachorum ex Syria ad Papam.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)





de Persecutione Severi querebantur in <sup>Sæculum VI.</sup> hunc modum: *Cum in via ad Monaste-* <sup>A.C. 517.</sup>  
*rium S. Simeonis Ecclesiæ causa essemus*  
*(is est S. Simeon Stylites) improbi homi-*  
*nes structis a latere insidiis in subeuntes*  
*irruunt, trecentos ex nostris & quinquaginta*  
*Viros cædunt, multos sauciant. Alii*  
*ad Ecclesias confugientes nec inter Altaria*  
*invenerunt refugium, quæ jugulatorum*  
*sanguine respersa sunt. Immissa per no-*  
*cturnas tenebras seditiosorum hominum*  
*multitudine, quam datis pecuniis incita-*  
*verant, Monasteriis flammam iniecerunt,*  
*& pauperem penum abstulerunt. Omnia*  
*accurate intelliges ex litteris, quas ad te*  
*venerabiles Fratres nostri Joannes & Ser-*  
*gius deferunt. Ipsos Constantinopolim mi-*  
*seramus sperantes, ita nos a tristissima ca-*  
*lamitate posse liberari; sed Imperator Mo-*  
*nachos ne quidem colloquio dignos habuit,*  
*& contumeliose ejecit. Hinc cognovimus*  
*hunc Principem tot malorum esse Auctorem.*  
*Supplices ergo ad Te recurrimus, Sanctis-*  
*sime Pater! ut vulnera Ecclesiæ Corporis,*  
*cujus tu Caput es, (\*) miserari velis. Vin-*  
*dica contemptam Fidem, Canones, & Con-*  
*cilia spreta, cum tibi Deus Potestatem li-*

U 5 gandi

(\*) Ecce tibi, rursus eximium Testimonium  
 ex Oriente petitum! Romanum Pontificem esse  
 Totius Ecclesiæ Caput. Protestantes nihil fir-  
 mum aut solidum habent, quo ejusmodi Testimo-  
 nia



Sæculum VI.  
A.C. 518. *gandi & solvendi dederit.* Tum profertur sermonem tanquam ad plures, nempe non ad solum Papam, sed etiam ad Episcopos Italiae, & totius Occidentis pro antiqua consuetudine directum, utque se Catholicos probent, adjecto Anathemate, quo feriunt Nestorium, Eutychem, Dioscorum, Petrum Mongum, Petrum Fullonem & Acacium, orationem concludunt. Huic Libello ultra ducenti Abbates, Presbyteri & Diaconi subscripserunt, & ex Abbatibus viginti sex plerique nec Presbyteri nec Diaconi titulum *Philot.c.16.* apponunt. Primus legitur Alexander Presbyter & ad S. Maronem Archimandrita. Hujus Sancti viri vitam Theodoretus scripsit, & hic videmus, ipsius Monasterium in illa Provincia fuisse præcipuum. Ad hunc Libellum respondit *to. 5. Conc.* Papa datis amplissimis litteris non solum ad Archimandritas secundæ Syriæ, sed ad omnes Orientis Catholicos directis. Hortatur ut firmi in Fide persistant. *Ep. 30.* Epistola ista 10. Febr. post Consulatum Agapiti, id est, anno 518. data.

## §. XXXIII.

nia diluant Interpres noster, quem in suis Annotationibus scribere non puduit, nullam in Oriente fuisse SS. Pontificum Auctoritatem, Testimonium istud: *Deren Oberhaupt ihr seyhd.* sua manu hic scripsit, & stupide filet.